

Die oes van siele

Die oes van siele.

Die 153 visse van Joh.21:11. het my gefassineer. Ek het toe in die Skrif gekyk na Noag se ark,(mate) die verbondsark en die nuwe stad "Jerusalem" se mate. Daar was ook ander gevalle waarna ek gekyk het soos die water in Noag se tyd wat 150 dae die oorhand behou het ens, maar ek het gevoel dat daar 'n dieper betekenis moet wees.

Ek het toe 153 gevat en getalle in probeer deel. Al wat werklik deelbaar is een of drie. Ek het ook die dissipels getel wat op die skuit was(Simon, Thomas, Natánael, Jakobus, Johannes en twee ander) wat 7 was.

Nou hier is my eerste konklusie:

Omdat ons weet dat ons in die laaste tyd op aarde is moet ons na dit kyk wat rondom ons gebeur soos die vrektes van dier en insekte; soos die see wat plek, plek rooi word; die aardbewings; oorloë peste en siektes wat toeneem. Nou sit ons met baie slimmes wat vir ons allerhande uitlegte maak hetsy uit Daniël of Openbaring, maar hulle tyd en tye voorspelling is die meeste al geskiedenis.

Myns insiens om tot meer tevredenheid in voorspelling te bekom is om die teenoorgestelde te benader. In Gen.6:3 staan dat VADER se Gees 120 jaar in die mens sal heers. Dus 120 x 50 jubeljare is 6000 jaar. Na 6000 jaar kom ons Koning om te heers vir 'n 1000 jaar.

Kom ons begin by die 6000 jaar en werk dan terug en kyk waar ons onself vind.

In Matt. 24:29 staan: *En dadelik ná die verdrukking van daardie dae sal die son verduister word, en die maan sal sy glans nie gee nie, en die sterre sal van die hemel val, en die kragte van die hemele sal geskud word. :30 En dan sal die teken van die Seun van die mens in die hemel verskyn, en dan sal al die stamme van die aarde rou bedryf en die Seun van die mens sien kom op die wolke van die hemel met groot krag en lofwaardigheid. :31 En Hy sal sy engele uitstuur met harde trompet geluid, en hulle sal sy uitverkorenes versamel uit die vier windstreke, van die een einde van die hemele af tot die ander einde daarvan.:32 En leer van die vyeboom hierdie gelykenis: Wanneer sy tak al sag word en sy blare uitbot, weet julle dat die somer naby is. :33 So weet julle ook, wanneer julle ál hierdie dinge sien, dat dit naby is, voor die deur.*

My interpretasie oor die gelese stuk is as volg: Groot verdrukking (moord gees en vleeslik) gaan daar wees en kennis tot YAHUSHA gaan verflou en onmoontlik wees vir baie. Die uitverkore gaan nie meer openlik wees nie; hulle gaan minder of gladnie meer deurgee wat hulle doen en late is nie. Die engele van satan se magte oor die uitverkore sal tot niet gaan en hulleself sal nie weet wat hulle gaan tref nie.

YAHUSHA gee vir ons nog informasie in Matt. 24:37 *En net soos die dae van Noag was, so sal ook die koms van die Seun van die mens wees.*

Matt.24:38 Want net soos hulle was in die dae voor die sondvloed toe hulle geëet en gedrink het, getrou en in die huwelik uitgegee het, tot op die dag dat Noag in die ark gegaan het; :39 en dit nie verstaan het voordat die sondvloed gekom en almal weggevoer het nie, so sal ook die koms van die Seun van die mens wees. Skielik en vinnig gaan dit gebeur terwyl die regime daar buite dit nie gaan verwag nie.

Lees ook *Dan 2:42 En dat die tone van die voete deels van yster en deels van klei is—'n gedeelte van die koninkryk sal hard en 'n gedeelte sal bros wees. :43 Dat u die yster gemeng met kleigrond gesien het—hulle sal deur menslike gemeenskap onder mekaar vermeng raak, maar hulle sal nie aanmekaar vasklewe nie, net soos yster nie met klei meng nie.*

Gees en vleeslik gaan die uitverkore met die wêreldling verbaster. In kerke (hoogtes) gaan die verbastering vier en so ook op straat. Oral gaan baster kinders onder die uitverkore kinders wees en almal gaan kerkisties wees.

Dus voor die 6000 jaar aanbreek sal verbastering op alle vlakke(gees en vleeslik)hoogty voer en baie min gaan hulle daaraan steur. Daar gaan wel 'n klompie wakker word en besef die tyd het uitgeloopt(vyeboom wat uitbot). Nou kan ons die 153 inbring as jare wat terug getel moet word voor die koms van ons Koning. M.a.w. 6000 j – 153 j = 5847 of die jaar 1847(onthou ons werk met die Skrif tyd nie die huidige Gregoriaanse tyd nie). Nou in 1847 het die groot verbastering(Rooms-Katolieke)sy slag begin slaan onder die uitverkore volk(12 seuns). Vanaf 1847 kan ons nou 100 jaar(van die 153)tel en dit bring ons in 1947(interessant dat dit die jaartal was wat die Jode begin heers het in Jerusalem in Israel). Tel ons die 50(van die 153)jaar by kom ons by 1997(die wêreld was ook in ekstase, want dit was die voorspellers se jaartal van die koms van ons Koning). Nou die laaste 3 jaar bring ons by 6000 j of 2000 j na YAHUSHA. Die laaste tyd van beskerming oor Sy uitverkore voordat Hy kom. Ons sit huidig in 2014 wat 17 tot 18 jaar te vinnig is volgens die Skrif kalender. M.a.w. ons is nou in 1996/7 wat beteken dat ons onder die hand van YHUH gaan wees vir 3 jaar. Ek kan met getalle speel om by die 17 jaar uit te kom wat die Jode die mensdom gevang het nl: $153 \div 3 = 51 \div 3 = "17"$ of $1 + 5 + 3 = 9 \div 153 = "17"$

Hier is my tweede konklusie.

Ek vat die 153 en kyk na elke syfer se numeriese waarde en so ook sy verteenwoordiger in 'n Hebreeuse alfabet letter.

1 = Aleph = א = Kop van 'n os = Sterk, kragvol, Leier, Eerste

5 = Hey = ה = Arms om hoog = Kyk, onthul, openbaar, asem, sug

3 = Gimel = ג = Voet = Versamel, loop, dra

Sit ek die letters langs mekaar **א ה א** dan beteken dit: dat daar weerwraak geneem gaan word. Dus sit ons met baie dieselfde verklaring as bo in Matt. met die boodskap dat daar in die laaste drie jaar verskriklike doodslag gaan wees (behalwe die wat onder die beskerming van YAHUSHA se engele en 144 duisend uitverkore gaan wees). Ons "Aleph" YHUH wat sterk en vol van krag is gaan kom met Sy arms om hoog en aan ons alles openbaar en ons versamel (tog die vertrap met sy voet)

Nou kom ons by die oes van siele.

- (1) Wat word gered ? Is dit die liggaam, gees of die siel ?
- (2) As ons sê siel watse soort siel praat ons van, want jy kry onder die vee, voëls, diere en die mens 'n lewende siele ?
- (3) Wie oes die siele ?

Kom ons kyk na 'n beginsel of twee: Die beginsel van lewe (gees en siel) is die onstoflik of onsienlike wat manifesteer in 'n stoflike liggaam. Vat bv. die niere, lewer of enige binne liggaamlike orgaan werk en hou die liggaam aan die werk sodat "lewe" voort kan gaan. Die een het die ander (orgaan) nodig om daardie lewe in die liggaam te huisves.

Die siel stel gevoel, rede en wil voor deur die liggaam. (sintuie)
Die siel is nie die liggaam nie, maar tog verbind aan die bloed van die liggaam. Die siel is nie die sintuie nie, maar gebruik wel die sintuie tot die liggaam se voor en nadele. Die siel is ook nie die gees nie, maar wrek die gees op veral as geestelike stof deur die sintuie in die liggaam kom (liedere, woorde of leesstof). Die siel manipuleer die gemoed. Dit maak (of gebruik) die innerlike liggaam opgewonde, teleurgesteld of nuuskierig. Die hol kol op die maag of die hart wat vinnig klop. Dit eers daar gelaat.

Nou gaan ons oor na die vrae wat ek hier bo gevra het;

(1) Wat word gered ? Is dit die liggaam, gees of die siel ?
Van stof is die liggaam en tot stof sal hy terugkeer, dus is die liggaam uit Gen.3:19. En die gees keer terug na VADER wat dit gegee het, dus is die gees ook uit Pred.12:7 Ons sit dus met die siel wat gered moet word Eseg.14:14.

(2) As ons sê siel watse soort siel praat ons van, want jy kry onder die vee, voëls, diere en die mens 'n lewende siele ? Gen .1:30 Lees mooi wat in Genesis staan, want die voëls of dier vreet plant en nie vleis nie. Rein is hulle en weg van die roof voëls en diere. As ons nou Exodus en ander Ou Verbond (Ou-Testamentiese) verpligtinge, soos die offer gawes lees, dan sal jy sien dat alle eersteling/ eersgeborene aan YHUH behoort. Hulle moet geoffer word vir YHUH, maar die eersgebore van die mens moet losgekoop word. Net 'n rein dier mag gebruik word wat 'n lewende siel in hom het mag gebruik word. Dus 'n siel vir 'n siel. Ex.13:13

(3) Wie oes die siele ?

Wat onthou moet word is nie dat dood die siel kom haal (of oes) nie, maar eerder dat die siel na een van die vier groot sale gaan, gaan.

In kort oor die vier sale. Henog wat as apokrief beskou word het 'n besoek gedoen onder in die aarde waar hy vier groot openinge(sale) gesien het. Die een is mooi skoon en verlig met 'n waterstroom wat daar deur vloei. In Openbaring lees ons van die wat in daardie beligte saal leef *6:10,11 En hulle het met 'n groot stem uitgeroep en gesê: Hoe lank, o heilige reine en waaragtige Heerser, oordeel en wreek U nie ons bloed op die bewoners van die aarde nie? :11 En aan elkeen van hulle is wit klere gegee; en aan hulle is gesê dat hulle nog 'n klein tydjie moes rus totdat ook hulle medediensknegte en hulle broeders wat nog gedood sou word soos hulle, voltallig sou wees.*

Na die beligte opening / saal kry jy die eerste donker kamer waar die siele is wat wag tot oordeel waarvan ons dit lees in *Luk 16:23 En die ryk man het ook gesterwe en is begrawe. En toe hy in die doderyk sy oë ophef, terwyl hy in smarte was, sien hy Abraham van ver af en Lasarus aan sy boesem. Luk 16:26 En by dit alles is daar tussen ons en julle 'n groot kloof gevestig, sodat die wat hiervandaan wil oorgaan na julle, nie kan nie; en die wat daár is, nie na ons kan oorkom nie.* Hulle is die wat op gaan staan in die tweede dood tot oordeel. *Open. 20:12,13 En ek het die dode, klein en groot, voor Gød VADER sien staan, en die boeke is geopen; en 'n ander boek, die boek van die lewe, is geopen. En die dode is geoordeel na wat in die boeke geskryf is, volgens hulle werke. :13 En die see het die dode gegee (dit is waar die engele in gevangenis is) wat daarin was, en die dood en die doderyk het die dode gegee wat daarin was; (dit is waar die Adamiet / uitverkore is) en hulle is geoordeel, elkeen volgens sy werke.*

Die laaste twee sale/ openinge is van so aard dat die omstandigheid so sleg is dat die siele reeds in pyn leef(self veroordeeldes). *Joh 3:18 Hy wat in Hom glo, word nie veroordeel nie; maar hy wat nie glo nie, is alreeds veroordeel omdat hy nie geglo het in die Naam van die eniggebore Seun van Gød VADER nie.*

Om terug te kom oor die oes van siele kan ons sien die onderskeid van die siele en waarheen hulle gaan. Die maaier van die oes is YHUH en nie satan nie(satan is deel van die wat geoes gaan word). YHUH gaan kom om te oes: *Open.14:15...: Slaan U sekel in en maai, want die uur het vir U gekom om te maai, omdat die oes van die aarde oorryp geword het.* Baie wil satan die mag gee om te oes, maar min weet dat YHUH self gaan kom om te oes. Met verwoesting en groot krag gaan Hy kom. *Jes. 17:6 Maar 'n na-oes sal daarin oorbly soos by die afslaan van die olywe: twee, drie vruggies bo in die top; vier, vyf in die takke van die vrugteboom, spreek YHUH, die Skepper van Israel. (Joh 4:35; Matt. 13:30; Joël. 3:13)*